

<p>SENARAI PEMBERITAHUAN PRODUK – INSURANS JENTERA (Sila baca Senarai Pemberitahuan Produk ini sebelum anda membuat keputusan untuk mendapatkan <u>Insurans Jentera</u>. Pastikan juga anda membaca terma dan syarat-syarat am yang terkandung di dalam polisi).</p>	<p>Rujukan Kami : 01/01/2010 Nama Penawar Khidmat Kewangan : Uni.Asia General Insurance Bhd. Nama Produk : Insurans Jentera Tarikh :</p>
--	---

1. Apakah produk ini?

Insurans Jentera ialah satu pelan insurans yang menawarkan perlindungan kepada jentera yang mengalami kerosakan fizikal secara tiba-tiba atau tidak diduga semasa jentera tersebut sedang beroperasi, atau dalam keadaan pegun atau ketika sedang bahagiannya sedang dibuka, dipindahkan atau dibina semula atas tujuan pembersihan, pembaikan, atau pemasangan ke tempat lain didalam lingkungan premis. Polisi ini mengecualikan klausa seperti kebakaran, letupan kimia dan peperangan.

2. Apakah perlindungan/ manfaat yang ditawarkan?

Insurans Jentera ialah satu insurans kemalangan untuk jentera. Ia menawarkan perlindungan terhadap kepada jentera yang mengalami kerosakan fizikal secara tiba-tiba atau tidak diduga, yang memerlukan pembaikan atau penggantian. Kerugian atau kerosakan yang dilindungi di bawah polisi ini termasuk:

- Kesilapan rekabentuk (perhitungan, pelan, lukisan dan spesifikasi)
- Kerosakan di bengkel atau ketika pembinaan, kecacatan pada bahan acuan
- Kerosakan ketika operasi, kurang kemahiran, kelalaian, perbuatan dengan niat jahat
- Kerosakan akibat daya emparan
- Litar pintas atau apa-apa sebab elektrikal yang lain
- Kekurangan air di dalam dandang
- Letupan fizikal

Tempoh masa perlindungan adalah selama Satu tahun. Anda perlu memperbaharui pelan insurans setiap tahun.

3. Berapakah premium yang perlu dibayar?

Jumlah premium yang anda perlu bayar adalah berbeza bergantung kepada pelbagai faktor, termasuk jumlah diinsuranskan, skop perlindungan, jenis dan umur jentera dan lain-lain.

4. Berapakah yuran dan caj-caj yang perlu dibayar?

Jumlah yuran dan caj-caj yang perlu dibayar adalah seperti berikut:

Jenis	Jumlah
Komisen yang dibayar kepada agen insurans	15 peratus daripada jumlah premium
Duti setem	RM10.00
Cukai perkhidmatan	5 peratus daripada jumlah premium

5. Apakah terma dan syarat-syarat utama yang perlu diberi perhatian?

Terma dan syarat-syarat utama yang perlu diberi perhatian ialah:

Jika berlaku tuntutan, anda mesti

- a) memberi notis dengan telefon atau faks dan juga secara bertulis dengan segera, dan menyatakan sebab dan tahap kerugian atau kerosakan.
- b) mengambil langkah-langkah untuk mengurangkan tahap kerugian atau kerosakan.
- c) mengekalkan bahagian yang terjejas untuk di periksa oleh pihak kami atau juruukur
- d) memberikan semua maklumat dan dokumen yang diperlukan sebagai bukti.

6. Apakah pengecualian utama bagi polisi ini?

- a) kerugian atau kerosakan ke atas perkakasan boleh ditukarganti seperti acuan, silinder terukir, bahagian-bahagian yang bila mana digunakan akan mengalami susut nilai yang tinggi
- b) kerugian atau kerosakan akibat kebakaran, kilat, letupan kimia, kecurian, pecah masuk atau ancaman, bangunan runtuh, banjir, gempa bumi, tanah runtuh atau bencana alam yang serupa.
- c) kerugian atau kerosakan yang patut ditanggung oleh pembekal, kontraktor atau tukang

- d) Kerugian atau kerosakan disebabkan oleh kerosakan yang sedia ada semasa polisi bermula dan dalam pengetahuan anda.
 - e) Kerugian atau kerosakan akibat penggunaan alat secara berterusan seperti. kehausan and keusangan, berlubang, hakisan, pengaratan, kerak pada dandang)
- (Nota: Senarai ini tidak lengkap. Sila rujuk kepada polisi untuk senarai penuh pengecualian bagi polisi ini.)

7. Bolehkah saya membatalkan polisi saya dan bagaimanakah caranya?

Anda boleh membatalkan polisi anda pada bila-bila masa dengan memberi notis 14 hari secara bertulis kepada syarikat kami. Setelah pembatalan dilakukan, anda layak menerima bayaran balik premium berdasarkan kepada tempoh insurans yang belum luput. Walau bagaimanapun, sebarang bayaran premium minimum yang dibayar bagi polisi tersebut tidak akan dibayar balik.

8. Apakah yang perlu dilakukan sekiranya terdapat perubahan pada maklumat surat-menyurat/maklumat peribadi saya?

Adalah penting anda memberitahu syarikat kami sekiranya terdapat perubahan pada maklumat peribadi anda. Ini untuk memastikan semua surat-menyurat dapat dihantar pada masa yang ditetapkan.

9. Dimanakah saya boleh dapatkan maklumat lanjut?

Sekiranya anda memerlukan maklumat lanjut, sila layari laman web kami di www.uniasiageneral.com.my atau rujuk kepada pejabat cawangan kami.

Untuk sebarang pertanyaan, sila hubungi kami di:

Uni.Asia General Insurance Berhad
Tingkat 9, Menara Uni.Asia,
1008, Jalan Sultan Ismail,
50250 Kuala Lumpur.
Talian Bebas Tol: 1-800-888-990
Tel : 03-2693 8111
Faks : 03-2693 0111
www.uniasiageneral.com.my

NOTA PENTING:

ANDA MESTI MEMASTIKAN BAHAWA HARTABENDA ANDA DIINSURANSKAN PADA JUMLAH YANG TEPAT. ANDA DINASIHATKAN MEMBACA SERTA MEMAHAMI POLISI INSURANS DAN BERBINCANG DENGAN AGEN ANDA ATAU MENGHUBUNGI SYARIKAT INSURANS SECARA TERUS UNTUK MAKLUMAT LANJUT.

Maklumat yang diberikan di dalam senarai pemberitahuan ini adalah sah bermula Mac 2010.